

欽定四庫全書
卷三十一

目錄

關殿及故殺人

猝然抵禦毆死四人各斃各命

情近械鬪屍親事後銃斃正兇

械鬪未遇乘便搶取拒斃人命

糾毆各斃各命均應分別辜限

械鬪與謀毆應分別情節辦理

原謀應按致斃彼造人數加

械鬪六國秋審章程

械鬪案應發新疆改發內地

糾毆之人擬流係指廣東一省

糾索案內餘人治罪

糧船水手案兇犯分別治罪

屏去人服食

向索賄致人脫衣質當項案

將賊捆縛脫衣致賊逃走凍斃

賄輸逼令於人置凍投井身死

店家因客病重赤身擡棄致斃

用糞撒汚口面致令嘔吐身死

代抱嬰孩撫養用飯嚼哺噎死

戲殺誤殺過失殺傷人

命案減等著迫埋葬銀兩

掃墓放礮燒斃四命追銀四分

車扯致傷二人追銀二分

被擊馬驚扯斃人命罪坐所由

糞鉅誤招牛腿斃死鉅糞人

馬驚不能控制方可照過失論

車馬殺人已有所爭鬪情形擬絞

行船駛風撞人篷舵致斃人命

插檔停舟撞人艄板溺斃二命

焙燒舊銃不知有藥誤斃人命

背鎗行走風吹火星誤斃人命

鳥鎗過失殺人如私鎗加枷號

人被蛇咬喊叫趕救誤傷致斃

黑夜不知船艙墮人誤蹈致斃

肩卸木條挫傷頑嬰幼孩身死

鋤草喂牛夥伴取草鋤落右手

強勸飲酒醉軟滑跌將人掇斃

見人醉鬧拉勸醉者失跌身死

共相捉兔碰撞同伴失跌身死

因醉失跌落河致攙扶人淹死

因醉令人肩背以致跌墊身死

私販硝黃被賊偷竊燒斃四命

行姦被人撞見倉猝按死姦婦

姦夫姦畢誤將姦婦之女揜斃

欲拉姦婦續姦致婦掙跌斃命

戲殺並過失殺毋得舍例言案

彼此摸面相戲指甲誤戳斃命

腋肌抓癢相戲伸臂誤斃人命

被人樓抱相戲躲臀頂斃人命

玩耍撲跌被烟袋嘴戳傷身死

增

兩人踢毬相戲誤踢旁人身死

彼此用杆擊水相戲誤斃人命

拉衣掙脫跌斃分別戲鬧定擬

抱腿玩耍扳頸帶跌壓斃人命

蒙古戲殺過失殺俱例准罰贖

因人新婚送給春藥誤斃人命

撞落街門聲響嚇死門內幼女

刑案匯覽卷三十一
目錄終

刑案匯覽卷三十一

鬪毆及故殺人

猝然抵禦斃死
四人各斃各命

江西撫 題曹受安等戮傷張振光等各身死一案
查曹受安因村人郭文周將公共官山私租與張振
光等栽種松秧曹受安查知曾向理諭嗣張振光見
松秧被毀疑係曹姓殺去邀同張良佐張俺菴張傳
遠攜帶刀棍赴曹姓村首喊罵曹受安曹井妹仔等
八人攜刀出諭互相鬪毆曹受安戮傷張振光身死
曹華興戮傷張良佐身死曹登仁戮傷張俺菴身死

曹綱臣戮傷張傳遠身死此案係死者登門肇釁該犯一時抵禦與逞兇糾衆械鬪者不同卽械鬪致斃數命向來亦與一時爭鬪致斃數命之案俱按其鬪殺本律各抵各命俟秋審時再分別實緩辦理此案現獲曹受安等三犯及覓證魏心求等僉供係各斃各命似屬可信該省將曹受安依共毆人致死下手傷重律擬絞幫毆之餘人曹井妹仔等二犯依刃傷人律擬徒查核情罪均屬相符應請照覆

嘉慶十九年說帖

情近械鬪屍親
事後銑斃正兇

廣東撫 題謝阿鯨與蔡光淙挾嫌糾眾互鬪致被
糾之謝阿打等銑斃謝欣義等九命並謝欣義之兄
謝欣讓於事後銑斃兇犯蔡大良身死原謀蔡光淙
等監斃等情查兩造死者俱係各居無服族人並非
一家且係各斃各命蔡大良等之原謀雖已在監病
故惟致斃彼造多命且均係火器殺人例應以故殺
論與原謀監斃兇犯應行減等者不同謝阿打等六
名自應仍依火器殺人例擬斬監候原謀謝阿鯨等
既據該省訊明一時糾毆並無斂錢約期械鬪情事

亦應按致死人數加等擬軍 從在場幫毆之謝華

草及在場附和並未傷人之謝大猷等該省照沿江

濱海混行鬪毆例擬以徒枷杖責俱屬照例辦理至

謝欣讓於蔡大良將伊胞弟銃斃後該犯與蔡大良

撞遇放銃致傷蔡大良身死係由捕拿所致與本係

在場互鬪登時殺死兇犯例應擬徒之有服親屬不

同該省將該犯依親屬人等被人殺而擅殺行兇人

照擅殺應死罪人律擬杖一百亦屬允協均可照覆

道光七年說帖

楊阿登未遇乘便
搶取劫斃人命

廣東撫 題楊菜猪糾毆致夥犯楊阿米等臨時起
意搶奪致斃二命一案查律載與人鬪毆因而奪去
財物者加竊盜罪二等等語此案楊阿米與監斃之
楊阿登聽從族人楊菜猪挾嫌糾集二十餘人持械
尋毆陳阿幗未遇將其喝阻之族鄰三人毆傷並將
陳阿幗及其族鄰陳老武等十二家房屋禾蔬一併
毀壞本屬械鬪重案迨各犯走後陳阿幗之妻與族
人陳阿烏趨出喊捕其時監斃之楊阿登轉回迫入
李氏屋內搜尋李氏不見乘便搶取衣服五件跑走

李氏趕出撲奪被楊阿登推搡跌地致將李氏背負
週歲幼女壓傷斃命該犯與楊戊生等三人亦追入
陳阿烏屋內搜尋陳阿烏不獲該犯起意商同楊戊
生等將其房內所放銀兩衣物搶取跑出被陳阿烏
趕出扭住該犯用刀將其砍傷斃命如果該犯等預
先糾謀搶奪因而殺斃人命自應照搶奪殺人例科
以斬決今既據訊明係因尋毆臨時起意搶奪並未
預謀夥搶固與搶奪殺人者不同第該犯等聽糾倚
眾械鬪復遷怒打毀十二家房屋踐壞田禾又嘯捕

尋毆乘其藏匿不敢與鬪之時攫取銀物致斃事主
較之尋常與人鬪毆因而奪取財物者情罪尤爲重
大未便竟照凡鬪論斷該省因非憑空搶奪不科以
搶奪殺人斬決之罪而援引罪人拒捕殺人斬候之
條係屬酌中辦理似尙平允除監斃之楊阿登毋庸
議外楊阿米一犯應請照覆

嘉慶二十三年說帖

糾毆各斃各命
均應分別辜限

河南司 查鬪毆傷人限外十日之內身死例得奏
請減流至其毆致斃多命案內限外身死者應否奏
請雖例無明文而檢查成案有乾隆五十四年廣東

省黎東瑞黎孔卓各斃一命案內黎孔卓毆斃張亞
東限外十日內身死減流又五十六年江西省題馮
富有馮華圖各斃一命案內馮華圖毆斃楊元標限
外十日內身死減流又廣東省奏鄭殿燦等致斃九
命案內鄭阿蛇鎗戮王阿允餘限外身死仍照兇器
傷人擬軍各在案今蘇二等共毆致斃四命案內蘇
九一犯毆傷田二漢限外十日之內身死雖案關多
命究係各斃一命止應各科以應得之罪該撫照例
聲請似可照覆

乾隆五十七年說帖